

Fasihtta

«Muhto gánnain lea álo seksamiella?» - Oda (16)

Seksamiella ii sorjá sohkahealis. Dat leat vuordámušat mat vulget dakkár kultuvrras mas movttiidahttet hyperseksuála maskulinitehtaideálaide. Albmát, nissonat vai ii-binárat; seksamiella molsašuddá.

«ležat sivva dat lea jus álásgovat juogaduvvojit» - Andreas (15)

Álásgovaid juogadeapmi almmá su miehtama haga gii lea govas, lea ránggáštusvuloš dahku ja álásgova juogadeaddji sivva. Álásgovaid juogadeamis lea sáhka heajos guottuin earáid priváhta govaid ektui. Ane daid árvvus: dat leat jurddašuvvon vuostáiváldái – eai fal earáide.

«Váddáseappot lea šaddat áhpeheapmin jus leat váldán abortta» - Abdi (20)

Šaddamis áhpeheapmin ii mielddisbuvtte makkárgé riskkaid, leš dal medisiinnalaš vai kirurgalaš aborta, leš dal árra vai maŋŋonan aborta. Nu mo buot medisiinnalaš prosedyrain, de sáhttet čuožžilit váttisvuođat, muhto dat ii leat dábálaš abortta oktavuođas. Danne sáhtta šaddat áhpeheapmin ja geahččalit šaddat áhpeheapmin dalá maŋŋá abortta.

«li han dat leat veagalváldin go leat ráhkkásaččat» - Tore (17)

Vaikke vel leahppi ge guhká fárrudan, de leat don ieš gii mearridat háliidat go, maid don háliidat ja goas don háliidat dahje it háliit. Intiibma dahje ráhkkásaš gaskavuohtha ii mearkkaš ahte lea addán bistevas miehtama buot seksii. li ovttasge leat eaiggátvuohtha earáid rupmašii, ja paragrafa seksuála daguid birra almmá miehtama haga ja veagalváldinparagrafa gustojit seamma láchkai ráhkkásaš gaskavuohtha go ráhkkásaš gaskavuohtha olggobealde.

Fasihtta

«Jus anašat ollugiiguin, de leat jearahallamin dan (veagalváldima)» - Lina (16)

Dat ahte leat ollu seksaguoimmit, ii mearkkaš maidege dasa sáhttá go dagu atnit veagalváldimin vai ii. Olbmos sáhttet leat leamaš máŋga eaktodáhtolaš seksavásáhusat eará olbmuiguin, ja de sáhttá gillát veagalváldima. Veagalváldindagu ii sáhte čatnat eaktodáhtolaš seksavásáhusaide.

«Heahpat lea hállat go lea seksa» - Noor (16)

Sáhttá dovdot váttisin hállat go lea seksa, muhto gulahallan lea duođaid hui dehálaš. Gulahallama bokte sáhttá gaskkustit miehtama, čájehit masa liiko ja maddái iskat masa son liiko geainna mis lea seksa. Ii gávdno mihkkege mánusiid dasa mo seksa galgá leat, ja gulahallama bokte – maddái go lea seksa – mii oažžut buoret seksavásáhusa. Gulahallan ii dárbbáš álo leat sánit, muhto sáhttá maid leat eahpeverbála, ovdamearkka dihtii jietnaloktema dahje losit vuoiŋahaga bokte. Jus orru leamen issoras hállat go lea seksa, de sáhttá ovttastahttit verbála ja eahpeverbála gulahallama: mital mo don háliidat njávkkaduvvot, seammás go dan čájehat iežas beallalažžii.

Loahpalaččat, sáhttá leat vuogas hárjehallat maid sáhtát dadjat ovdalgo boadát dan dillái ahte dus lea seksa. Mo sáhtát ovdamearkka dihtii jearrat miehtama vuohkkasit?

Fasihtta

«Issoras ollu olbmot váidet vearreveagalváldimiid mávssaheami dihtii»

- Carl (17)

li leat vuodđu čuoččuhit ahte vearreveagalváldimat dáhpáhuvet dávjá. Dábálemos lea ahte veagalváldin ii váidojuvvo, belohahkii váilevaš luohttámuša geažil riekteapparáhtii dahje balu geažil ahte eai jáhke sutnje. Ollugiidda lea lossat váidit veagalváldima, ja dat ahte čohkket fámuid ja energiija dasa ahte dan dahkat, lea dehálaš servodatovddasvástádus dan oktavuodas ahte eastadit eanet illastemiid. Vearreveagalváldimiid váidin lea maid ránggáštusvuloš.

«Go juhká menddo ollu ja de veagalváldojuvvo, de dat lea iežas sivva»

- Pia (18)

li leat goassege gillájeaddji ovddasvástádus váruhit ahte ii veagalváldojuvvo. Baicce sáhttit ávžžuhit sin min gaskkas geain sáhttá leat rádjerasttideaddji láhtten, juhkat uhcit. Sáhttá maid leat vuogas muitit ahte veagalváldinparagráfas čuožžu ahte go olmmoš lea diehtemeahttun dahje ii nagot vuosttaldit dagu, de sáhttá dahku adnojuvvot veagalváldimin. Jus háliidat anašit geainna nu, muhto it leat sihkar das nagoda go nubbi áddet mii dat dáhpáhuvá, de lea buoremus vuordit. Eatnašiid mielas lea maid seksa buoret go eai leat menddo juhkan, go dalle šaddá vuordimis vásáhus buoret manjeleappos.